

PREDGOVOR

Rukopis pod nazivom „Osnovi forenzičke nauke i odabrane teme forenzičke bioantropologije“ nastao je kao potreba savremenog trenutka razvoja forenzičko – kriminalističke misli u Bosni i Hercegovini (i ne samo njoj), ali i kao (prvenstveno) neophodan udžbenik za potrebe studenata Pravnog (i svih drugih) fakulteta Univerziteta Apeiron.

Koncepcija udžbenika je neobična i nije standardna za današnje prilike. Upravo tu i jeste njena neobičnost, zanimljivost, ali, možda i greška, da njena koncepcija ne bude prihvatljiva svima. Međutim, svaki novum mora proći vrijeme testiranja i prilagođavanja, i samo će vrijeme pred nama dati prave odgovore.

Sadržaj je koncipiran i u odnosu na procjenu autorskog tima, a u odnosu na dostupnost informacija, zanimljivost i značajnost odabranih tema, raznolikost mogućeg pristupa (neke teme su obrađivane na potpuno različite načine), potrebe znanja onih kojima je prvenstveno namijenjen, ali i potreba onih kojima je ova problematika interesantna.

Svakako da je značaj ovog rukopisa i u tome što je osim studentima (različitih fakulteta) namijenjen i sudijama, tužiocima, advokatima, ekspertima različitih oblasti, kriminalistima, znanstvenicima, ali i običnim građanima koje poneke od navedenih tema zanimaju.

Tokom pisanja rukopisa pokušalo se voditi računa da jezik pisanja bude što jednostavniji, lako razumljiv svim čitaocima, bez obzira na nivo njihovog predznanja.

Dakako, da smo svjesni da rukopis nije idealan i da će u budućnosti trebati promijeniti mnogo toga. U tom smislu, svaka vaša sugestija (i primjedba) dobro je došla autorima, kako bi eventualno neko buduće izdanje bilo mnogo bolje.

U toku rada na ovom rukopisu autori su imali veću ili manju pomoć od nekoliko pojedinaca. U tom smislu, izdvajamao dr. Aleksandra Ivanovića koji je pružio nesebičnu pomoć i ustupio dio svojih materijala, te Ismeta Katanu, koji nam je ustupio dio svojih materijala vezanih za poligraf. Svakako slična zahvalnost pripada i Samilu Hasanbašiću i Hatidži Muratović za rad u poglavlju daktiloskopije. Među ovom kategorijom je i kolega Samir Babić

glavni autor poglavlja o forenzici mobilnih telefonskih uređaja. Njima, a i svima onim koje nismo spomenuli dugujemo veliku zahvalnost.

Posebna zahvalnost upućena je i recenzentima ovog rukopisa jer su uložili mnogo truda i energije, te nam dali niz korisnih sugestija.

Autori